



CH-7144 Vella, 02 d'october 2020

## Novitads dalla suprastonza communal Lumnezia

La suprastonza communal Lumnezia ha approbau las suandontas fatschentas

### Persunal

Chiara Solèr da Lumbrein ei vegnida elegida sco emprendista per l'administraziun communal. Ella enscheiva siu emprendissadi l'entschatta uost 2021. Chiara viseta actualmeins la scola da talents a Glion ed ei dapi igl onn 2020 commembra dil Team Thömus RN Youngstars, il club da velos da muntogna. Ella frequenta igl emprendissadi da treis onns, repartgiu sin quater onns e senza maturitad professiunala. Quei fa ella per saver observar vinavon sia carriera sportiva.

Las elecziuns dils organs communs ei vegnida publicada a caschun dalla votaziun all'urna.

### Lavur d'archivar

Igl ei vegniu incaricau igl anteriur archivar cantunal Ursus Brunold da controllar e purificar ils archivs dallas anteriuras vischnaucas en Lumnezia pigl archiv definitiv.

### Project structuraz supplementaras per famiglias

Ina gruppa da lavur prepara ina purschida per famiglias cun affons. Igl ei previu dad arver ina canorta per affons pigns ed era ina survegionza per affons che van a scoletta ed a scola. Cuntenida ella purschida ei era ina meisa da miezgi.

L'idea ei d'integrar pliras generaziuns en ina casa e da far diever da survetschs da seniors ch'ei aunc bein en pei. Las localitads dall'antieriura casa dil miedi Sumsiaras a Vella savessen survir per quei intent. L'administraziun dalla cassa da malsaus Lumneziana vegness lu bardigliada ella nova casa da fatschenta Palius a Vella.

### Surdadas incaricas da lavur

1. Sereneras pintgas els uclaus da Silgin, Sogn Andriu e Peiden Vitg
  - Furniziun dallas sereneras (tumbins) alla fatschenta Felix Hunger, 7107 Safien Platz
  - Lavurs d'impressari a Peiden alla fatschenta Savoldelli/Tanno SA, Vella
  - Lavurs d'impressari a Silgin e Sogn Andriu a Collenberg SA, Lumbrein
  - Lavurs d'electro a Peiden alla Repower AG, Glion
  - Lavurs d'electro a Silgin e Sogn Andriu alla Societad ovra electrica, Lumbrein
2. Via d'uaul Surcasti – Silgin
  - Lavurs d'inschignier per il preproject al biro BAP-Ingenieurbüro a Glion
3. Prevediment d'aua Lumbrein-vitg
  - Lavurs d'impressari alla ARGE auas Lumbrein (Collenberg SA, Lumbrein e Savoldelli Tanno SA, Vella)
  - Installaziuns sanitaras alla fatschenta Capaul GmbH, Lumbrein
  - Tumbins ed indrezs prefabricai alla fatschenta RC TEC, Affoltern a.A.
4. Sanaziun terren contaminau dil stan da sittar Suraua (Surcasti)
  - Lavurs d'impressari e transports a Corsin Casaulta, Schluen
5. Sanaziun terren contaminau dil stan da sittar Vrin
  - Lavurs d'impressari e transports alla ARGE Collenberg SA, Lumbrein e Corsin Casaulta, Schluen
6. Piazza da glatsch a Zignaus, Vella
  - Affittaziun digl implont da glatsch per la sesiun 2020/2021 (80 gis) dalla fatschenta AST Eissport- und Solaranlagenbau AG, Herisau.

### Marcau Daniev 2020 a Morissen ed aperitiv da Daniev 2021 a Lumbrein

Muort il svilup dalla pandemia da corona ein las duas occurrenzaz vegnidaz annulladas.

## Bus culinaric (Gourmet Shuttle Lumnezia)

La suprastanza communal ha decidiu da sistir la purschida.

### Sustegns finansials

- Uniun Lidimer per il Festival Buatsch a Tersnaus
- Uniun Ir novas vias per il forum "per nies futur" en claustra da Glion
- Museum Regional Surselva per l'occurrentza "Tibadas" a Lumbrein
- jugend.ch per la sessiun da giuvenils ils 14 da november 2020 a Glion
- cant-art-lumnezia per in'jamna da cant a Vignogn
- Uniun da teater Cuschnaus per il toc "Quei va silla gnarva"
- Bibi Vaplan (Bianca Mayer) per il project "Prolog - #Popcorn-Opera"

### Naven dil 2021 profitescha la Lumnezia d'in internet ultraspèrt

**Swisscom ha informau la vischnaunca Lumnezia davart ils plans da baghegiar ora la reit da fibras da veider. Las empremas lavurs ein planisadas la primavera 2021 e gia el decuors dalla stad 2021 vegnan ils emprems habitonts dalla Lumnezia ad esser colligiai cugl internet ultraspèrt.**

Swisscom lavura ell'entira Svizra cun differentas tecnologias da fibra da veider per saver s'adattar allas atgnadads individualas localas.

Avon ch'ei vegn entschiet a metter ils cabels da fibra da veider naven digl unviern 2020 drova ei aunc lavurs preparatoricas. Denter auter basegna ei las lubientschas da baghegiar per las lavurs sin terren privat sco era public. Swisscom vegn a contactar ils proprietaris per contrahar davart ils detagls.

Sin [www.swisscom.ch/checker](http://www.swisscom.ch/checker) san tuts interessai dar en numera da telefon ni l'adressa e mirar suenter tgei prestaziuns e products ch'ei a disposiziun el liug da domicil.

Ulteriuras informaziuns tier la reit da Swisscom ein d'anflar sut [www.swisscom.ch/netzausbau](http://www.swisscom.ch/netzausbau).

### Termins radunonzas communalas Lumnezia 2020

02 d'october 2020

18 da december 2020